



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1849**

CCCXXVII. Kurfürst Joachim Markgraf und Albrecht verleihen dem Kloster auf dem Marienberge das Pfarrlehen zu Butzow, am 5. August 1499.

[urn:nbn:de:hbz:466:1-54022](https://nbn-resolving.org/urn:nbn:de:hbz:466:1-54022)

**CCCXXVI.** Kurfürst Johann verlangt von Richter und Schöppen der Altstadt Brandenburg einen Prozeß zu siliten, den sie gegen des Kurfürsten Willen fortgesetzt haben, am 22. Jan. 1498.

Johanns, vonn gotts Gnaden etc. Churfurst etc. Marggraff zu Brandenburg. Vnser grus zuvor. Lieben getrewen. Hanns nylebuck hat vns mit einligendem Zedell zuerkennen geben, wie jr vernehmen mugt, vnd hetten vns ye nicht verfehen, das jr vber vnser jhibition jn der sach solttet volfarn oder ferner gerichtet haben: wie dem allen, Begern wir abermals, jr wollet jn der sach stillten vnd ferner dar jnn nicht richten, vermainen dann ewer stat knecht hansen nylebuck vnbetaidingt nicht gelassen wollen, wir jn auff jr ansuchen gnuglichs rechtens von jme zuuerhelffen alhie vor vnsern Rethen verschaffen, daran thut jr vnser meynung. Datum Colln an der Sprew, am Montag nach Angneten, jn LXXXXVIII.

Nach dem Original.

**CCCXXVII.** Kurfürst Joachim Markgraf und Albrecht verleihen dem Kloster auf dem Marienberg das Pfarrelehen zu Busow, am 5. August 1499.

Von Gotts Gnaden wir Joachim etc. und Albrecht etc. bekennen etc., das wyr auff demutig Anfuchen und Bethe der Wirdigen und Andechtigen, unser lieben Getrewen, Ern Matheus Langenfeld Probsts und gantzen Capittels des Closters unser lieben Frauen auf dem Berg vor unser alten Stat Brandenburg nach Vorzelunge merklycher irer Notdorft, damit sy iren Stand, als sich wol geburt, nicht gehalten mochten, bewegt und als die Landesfursten, damit solch Styffung, von unsern Vorfaren dem almechtigen Got und Marien der Hymmel-Konnigin zu Lob und Ehrn angefangen und bestetigt, flurder mocht in Wirden bleyben und gehalten werden, und im, den Nachkommen Probitenn und gantzem Capittel voreygent und gegeben haben dye Leyhunge der Dorffparren der heyligen Apostel Sant Peter und Sant Pauls-Kirchen zu Butzau, so uns und unsern Vorfharen hievorn geburt hat zu vorleyn, also das sy solch Pfarre, wan dye nue forder, so offit das zu Falle kompt, sych vorledigt, flurder einen wertlychen oder ires Ordens vorstendigen Priester, damit das Volck vorforgt wyrdt, vorleyhen und damit dye Pfarre vorforgen sollen; darvon sie jerlychen Pension zu des Klosters Nutz und Frommen, doch das dem gottlychen Dinft dardurch derselben Pfarre kein Abbruch geschee, daran behaltenn und nehmen mogen, vorzeyhn uns darauff vor uns, unser Erben und Nachkommen, Marggraven zu Brandenburg gedachter Gerechtigkeit solche Pfarre zu leyhen und geben und voreygen die hirmit dem gnanten Probst und Capittel uff dem Berg vor unser alten Stat Brandenburg und iren Nachkommen zu rechtem Eygenthumb, als Eygenthums Recht und Gewonheytt ist, in Crafft und Macht ditz Brives, sich der als anders ires Eygenthums zu gebrauchen, vor uns, unser Erben und Nachkommen und fast menniglych ungehindert, dest fleysiger sy auch sein sollen vor unser, unser Vorfaren und Nachkomen Selen Selykeyt den almechtigen Got zu bytten, als sy zu thun schuldyg sein. Zu Urkunt etc. Geben zu Coln an der Sprew, am Montag nach Petri etc. MCCCCXCIX.

Nach dem Original.